



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

### **Parallelia Geographiae Veteris Et Novae**

Parallelia Geographica Italiae Veteris Et Novae

**Briet, Philippe**

**Parisiis, 1649**

Nvm. 2. De Apuliâ & Apulis Daunis & Peucetiis.

**urn:nbn:de:hbz:466:1-13120**

## §. 2. De Minoribus Regionibus magnæ Græciae historica.

N V M. 1. De Iapygia, &amp; Iapygibus.

**NOMEN & ORIGO.** Dicta est hæc regio Iapygia à Græcis, ut ex Strabone, & Appiano liquet, & ab Iapyge, Dædali filio, ut tradunt Plinius, & Solinus: sed Antonius Liberalis libro de Transformationibus vult dictam ab Iapyge filio Lycaonis indigenæ, eique duos fratres assignat Daunium & Peucetium; aitque tres illos fratres exercitum habuisse conflatum ex indigenis Illyricis, & Messapiis, ideoque hunc tractum diuisisse in tres partes Dauniam, Peucetiam, & Messapiam; sic iste.

Dionysius autem Halic. lib. 1. innuere videtur totum hunc tractum dictum esse Peucetiam à Peucetio Oenotri fratre filio Lycaonis.

Strabo denique Messapiam cum Iapygiâ confundit, & sic à Græcis nominatam esse. Ait item incolas diuidere Iapygiam in Sallentinos, Calabros, & Apulos, Apulos autem in Peucetios, & Daunos.

Ex quibus omnibus satis implicatis ita diuidendam puto hanc regionem.

MAGNA GRÆCIA	IAPY-	APVLIA	Daunia.
	GIA		Peucetia.
	OENO-	MESSAPIA, seu Calabria	Sallentini.
	TRIA		Calabri.
		Lucania.	
		Brutij.	

N V M. 2. De Apulia, &amp; Apulis Dannis &amp; Peucetiis.

**NOMEN.** Vnde dicta sit Apulia non constat; nugantur enim qui sic appellatam volunt quasi *Apluuiam*, quod Horatius eam Sitticulofam dixerit: scio quidem hanc etymologiam probatam esse Facio viro eruditio, sed eam meritò Leander explodit. Aliqui apud Leandrum, sic vocatam putant à quodam Apulo veteri Rege, qui cù commigravit multis ante Troiæ ἀλωσῃ annis. Prudentius

statuit qui ait nihil in hac parte occurrere.

DAVNIT dicti sunt à Dauno Rege cui auxilium Diomedes tulit, cùm ob sideretur ab hostibus, pollicito partem agri ei se datum: quis autem fuerit ille Daunus suprà innuimus.

Dauniorum autem Apulorum fuere *limites*, Frento Fl. aut Tifernum Fl. Fertore, aut Biferno, quo diuiduntur à Frentanis ab Oriente, item & à Samnitibus, & Hirpinis ab eadem parte: à Septentrione & Oriente Mari Supero alluebantur; denique à Meridie Cerbaro Fl. Ceruaro, à Peucetiis, ut tradit disertè Plinius lib. 3. cap. 12. qui tamen paulò pòst ab Aufido fluuio inchoare ait, & Salapiam in Dauniâ collocat.

PEVCETII, à Peucetio filio Lycaonis dicti sunt; sed hos Plinius cum Messapiis confundere videtur cap. 11. lib. 3.

Peucetiorum autem fines sunt; ab Septentrione Cerbalus Fl. & pars Hadriatici Maris, sicut & ab Oriente; ab Occidente Hirpini; à Meridie denique Bradanus Fl. Bradano, quo à Lucanis dirimuntur; & communes habent cum Messapiâ fines.

Per hunc autem tractum effusi sunt populi PÆDICVLI dicti, ut ex Plinio liquet, qui eorum oppida recenset cap. 11. lib. 3. Hi apud Valerium Maximum perperam Fidiculi nominantur. Dicti sunt autem Pædiculi ut Strabo innuent, & Plinius à 9. adolescentibus totidémque virginibus qui ex Illyrico venerunt, & multa in hoc tractu oppida considerunt; à quibus xiiii. populi progeniti sunt, fortè legendum xix. octodecim.

NVM. 2. *De Messapiâ, seu Calabriâ, eiusque populis Sallentinis,  
& Calabris.*

PENINSVL A quæ Brundusium inter, atque Tarentum procurrit in Mare MESSAPIA dicta fuit, à duce quodam Græcorum, vt vult Plinius lib. 3. cap. 11. Stephanus ait eundem ducem Monti in Anthedoniâ regione dedisse nomen, quæ ubi gentium sita sit non est facile statuere. Messapios gentem Barbaram vocat Pausanias in Phocicis.

CALABRIA dicta fuit à Calabris populis, de quibus mox dicemus. Sed notabis hanc Calabriam aliquando strictius, aliquando latius sumi; latius, includere totam Apuliam, ut intelligitur ex Servio, & veteri Horatij Scholiaste, apud quos mons Garganus in

MVII